Zeitschrift: Nebelspalter : das Humor- und Satire-Magazin

Band: 107 (1981)

Heft: 9

Artikel: Häsch en Parkplatz?

Autor: Herdi, Fritz

DOI: https://doi.org/10.5169/seals-600760

Nutzungsbedingungen

Die ETH-Bibliothek ist die Anbieterin der digitalisierten Zeitschriften auf E-Periodica. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. Das Veröffentlichen von Bildern in Print- und Online-Publikationen sowie auf Social Media-Kanälen oder Webseiten ist nur mit vorheriger Genehmigung der Rechteinhaber erlaubt. Mehr erfahren

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. La reproduction d'images dans des publications imprimées ou en ligne ainsi que sur des canaux de médias sociaux ou des sites web n'est autorisée qu'avec l'accord préalable des détenteurs des droits. En savoir plus

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. Publishing images in print and online publications, as well as on social media channels or websites, is only permitted with the prior consent of the rights holders. Find out more

Download PDF: 22.11.2025

ETH-Bibliothek Zürich, E-Periodica, https://www.e-periodica.ch


Häsch en Parkplatz?

Anekdoten und Witze rund ums Auto, gesammelt von Fritz Herdi

Eine beleibte Frau wird von einem Auto sanft angefahren. «Toorebueb», ruft sie, sich mühsam aufrappelnd, «chönd Sie nid en Boge um mich ume mache?»

Der Fahrer: «Ich ha scho draa tänkt, aber Angscht ghaa, s Benzin langi nid.»

Zeichnungen: Jürg Furrer



Der Wagen bockt. Ein Junge kommt des Weges, bietet seine Hilfe an, macht sich am Motor zu schaffen und bringt den Wagen flott wieder in Gang.

«Ali Achtig», sagt der Fahrer und gibt ihm ein schönes Trinkgeld. «Du bisch ja en Tausendsassa!» Dann stutzt er, fragt: «Aber müesstisch du jetzt, zmitzt im Morge, nid i de Schuel sii?»

«Momoll, aber de Lehrer hät mi heigschickt. De Schuelinschpekter chömi, und ich sig eso tumm, das ich di ganz Klass wüürd blamiere.»

Dem Automobilisten verschlägt's kurz die Sprache. Dann sagt er: «Also, Bueb, na en schööne Tag!» Und fährt weg, Richtung Schulhaus, um seines Amtes als Schulinspektor zu walten ...

Herr Protz zum Söhnchen: «Moorn bruuch ich min Mercedes 600 de ganz Taag.»

«Und wie chum ich i d Schuel, wänn du mich nid härefüehrsch?» «Tänk wie anderi Chind au: mit em Taxi.»

«Werum händ d Metzger im Mercedes 600 e glesigi Trännwand zwüschet Fond und Vordersitz?» «Das ene bim Uusträäge d Wüürscht nid is Gnick rutsched.»


Der Fahrgast: «Gaats nid echli schnäller?»

Der Taxichauffeur: «Moll, aber dänn müemer de Wage schtaa laa und z Fuess gaa.»

Der eingefleischte Nichtautomobilist kommt eines Tages in einem nigelnagelneuen Wagen dahergefahren.

«Aha», ruft ein Bekannter, «bekehrt?»

«Nid ganz freiwillig», gibt der andere zurück, «ich ha blos nüme immer wele dää sii, wo überfaare wirt.»



Ein Mädchen beichtet, es habe mit einem Mann vorne im Auto Küsse ausgetauscht.

Der Pfarrer: «Häsch nid s Gfühl, du hebisch öppis faltsch gmacht?»

«Momoll, uf em Rücksitz wäärs vill bequäämer gsii zum schmuuse.»

Edi kommt mit dem zerbeulten Wägelchen in die Garage: «Chönd ihr dä i d Oornig bringe?»

Der Garagist: «Mer tüend aber nu wäsche, nid glette.»

«Diä choge Auto verschtopfed d Schtraasse, schtinked wie d Pescht, veruursached Chreislaufschtöörige, mached en uuhuere Läärme ...»

«Nid ärgere, Herr Beerli, ich cha mir au kein Wage leischte!»

«Ich käne kein füülere Hagel als de Direkter Beerli. Dä suecht mit em Auto immer es Schlagloch, das em d Zigaarenäsche abfallt.»

Sie lernt Auto fahren und sagt zu ihrem Mann auf dem Nebensitz: «Du, dä Schpiegel da usse isch faltsch iigschtellt. Ich gsee nüüt anders drin als d Auto hinder mir.»

«All halb Schtund wirt i de Schwiiz en Fuessgänger vercharet.»

«Dä macht aber eine mit!»

«Händ Sie mir würkli ali wichtige Beschtandteil vo däm Auto zeiget und erchläärt?»

«Ganz sicher.»

«Aber min Maa hät gsait, de Abschriiber sig öppis vom Wichtigschte am ganze Chare.» Polizist zum einzigen Unfallzeugen: «Wie isch Iren Name, bitte?» «Fritz Müller.»

«Uusgrächnet, mached Sie kei Witz, Iren richtige Name muesi haa.»

«Johann Wolfgang von Goethe.» «Ebe, so isch besser, mich vertwütsched Sie nid mit faltsche Näme.»

«Hettisch Freud, wän ich dir zum Geburri öppis schööns Neus wüürd schänke?»

«Natüürli, Trudeli. A waas häsch tänkt?»

«An en schööne neue Chootflügel vorne linggs.»

Berufsberater: «Wie heissed Sie?»

«Leonidas Propoppapoppupoppulos.»

«Wänd Sie nid Töff-Verträtter wäärde?»

«Bappe, ich wett Faarschtunde nää uf dim Auto. Jetzt bini alt gnueg.»

«Du schoo, aber s Auto nid.»



Der Sohn wohnt auswärts, hat ein Auto gekauft und besucht immer am Wochenende seine Eltern. Am vierten Sonntag kommt er nicht, sondern telefoniert: «Ich cha nid choo, de Wage isch kabutt.» «Chumm doch mit em Zuua!»

«Uusgschlosse, was wüürdid au d Lüüt tänke!»

Dieweil zwei Monteure mit Steigeisen Telegraphenmasten erklimmen, fährt eine Frau im Auto vorbei und ruft: «Tüend nid blööd, ihr zwee, eso schlächt faar ich jetzt au wider niid!»

Der Erdöl-Multi kauft einen Cadillac, zückt die Brieftasche und will ihn bezahlen.

«Halt», ruft sein Begleiter, «jetzt bin *ich* a de Reie zum Blääche, du häsch vorig scho de Apéro offeriert.»

Ein Hilfspolizist zum andern: «Bisch verruckt, dää muesch nid uufschriibe, das isch eine vo üüs. Uf de Autonummere schtaat tüütlich «GB», das gheisst doch «Griminal-Bolizei».»


Occasionshändler: «Mir schtönd hundertprozentig hinder jedem Wage, wo mir verchaufed.»

«Und hälfed ihr dänn grad au aaschtoosse?»

Kreuzung. Signalanlage. Grün. Gelb. Rot. Grün. Gelb. Rot. Grün.

Ein Polizist klopft an die Scheibe des Wagens, der sich nicht rührt, und sagt gütig: «Fräulein, isch kei Farb debii, wo Ine passt?»


Bündnerland. Grosi im Ausflugscar. Entdeckt eine Menge Autos mit den Buchstaben GR. Und sagt: «Enorm, was es da obe griechischi Turischte umehät.»



Im Himmel, auf zarter Wolke, stellt sich einer vor: «Meier, Blinddarmdurchbruch.»

Der andere: «Freut mi, Hueber, i de Kuurve überholt.»

Der Verkehrsminister erklärt: «Es fallt mir gar nid ii, d Gschwindigkeit uf de Autobahn z beschränke, wie's min Vorgänger gmacht hät. Ich laan eifach die diverse Bau-Schtelle mitenand verbinde.»





Ein Gaffer mit der geistreichen Frage: «Händ Sie en Unfall bbaue?»

Der Automobilist wütend: «Nei, ich ha nu s Auto uf de Rugge glait, zum luege, ob d Reder na draa sigid.»

Der schwerbeladene Camion hat eine Panne. Ein mickriges, klappriges Wägelchen kommt angerollt, und der Fahrer sagt: «Ich han es Drahtseil debii, ich chan Sie züche.»

Der Lastwagenchauffeur lächelt spöttisch. Aber das Wägelchen zieht den Camion über Stock und Stein, über Berg und Tal bis ans Ziel.

Der Chauffeur bedankt sich und fügt bei: «Sie müend aber uufpasse, Ires Wägeli rüücht.»


«Gopf», reagiert der Besitzer des knittrigen Winzlings, «jetzt bini tatsächlich die ganz Schtrecki mit der aa-zogne Handbräms gfaare!»

«Bueb, du töörfsch doch d Lüüt uf de Schtraass nid mit Dräck aaschprütze.»

«Muesi dänn waarte, bis ich es Auto han?»

Ein Wagen fährt dicht hinter dem andern im dicken Nebel. Plötzlich stoppt der vordere scharf, und der nachfolgende rammt ihn. Der Fahrer des zweiten Wagens steigt aus, tobt: «Sind Sie verruckt, werum brämsed Sie so brüsk im Näbel?»

Meint der andere freundlich: «E Gägefraag: und was mached Sie daa i miinere Garage?»



Lese- und Illustrationsproben aus dem demnächst erscheinenden Nebelspalter-Buch «Häsch en Parkplatz?» von Fritz Herdi, illustriert von Jürg Furrer.

Neue Lebenskraft

8 lebenswichtige Vitamine und stärkendes Eisen.

Buer hat als Hersteller aufbauender Tonika ____ seit Jahrzehnten einen guten Namen.

Echt koreanisches Panax-Ginseng zur Anregung bei Energiemangel, Leistungsund Konzentrationsschwäche.



bei Energier allgemeiner

Vita

Dier-G-plus

mit Eisen Ginseng und 8 Vitamine

Witamine

Aufbautonikur für Körper und Gri

Vertrieb:

Pfizer AG Zürich

bei Energiemangel, Leistungs- und Konzentrationsschwäche, allgemeiner Müdigkeit, Schwächezuständen und nach Krankheiten.

Vita Buer-G-plus enthält ausser Ginseng 8 Vitamine, Eisen, Jod in Spuren und Alkohol. Es wird empfohlen als Kräftigungsmittel bei grossen körperlichen und geistigen Anstrengungen, bei gewissen Altersbeschwerden, bei chronischer Müdigkeit und nach Krankheiten.

Vita Buer-G-plus schmeckt vorzüglich. Es ist in allen Apotheken und Drogerien erhältlich. Verlangen Sie eine Kostprobe.

